

ԱՐՁԱՆԻ ԲԱՌԱՐՍԻԴ ՀՈՒՇԱՐՁԱՆԸ

Վ. Գ. ԳՐԻԳՈՐՅԱՆ

Հալկական վաղ միջնադարի այս հուշարձանը գտնվում է Կոտայքի շրջանի (այժմ Արուսիյան) Արզնի գյուղի հյուսիս-արևմտյան կողմում, ձորամերձ սարահարթի վրա ընկած փոքր գերեզմանոցում, որն այժմ կառուցապատման հետևանքով գրեթե անհետացել է:

Հայ պատմիչների մոտ այս հուշարձանի մասին հիշատակություն չկա: Հ. Շահխաթունյանցը¹, Ղ. Ալիշանը², Հ. էփրիկյանը³ իրենց աշխատություններում նշում են նրա տեղը և սրբատաշ քարից կառուցված լինելը: Մ. Սրմբատյանցը նույնպես նկարագրում է հուշարձանի տեղը և ավելացնում, որ փոքրիկ խաչաձև հուշարձանը «շուններ ամենևին գրուածք»⁴:

«Ակնարկ հայ ճարտարապետության»⁵ գրքում տպագրվել է միայն նրա հատակագիծը: Հուշարձանի մասնագիտական քննության փորձը կատարվում է առաջին անգամ:

Ուսումնասիրությունից պարզվում է, որ այն երկու անգամ վերանորոգվել է: Առաջին անգամ հենախորշերի, գուցե և զմբեթի կղմինդրե ծածկերը փոխարինվել են քարով: Սա, հավանաբար, կատարվել է X—XI դդ., երբ տարածված էր կղմինդրե ծածկերը քարով փոխարինելու պրակտիկան: Երկրորդ անգամ այն վերանորոգել է 1955 թ. Հայկական ՍՍՀ հուշարձանների պահպանության կոմիտեն: Վերանորոգման ժամանակ բացվել է կիսով չափ հողի մեջ թաղված հուշարձանը և վերականգնվել ճակատների ավերված երեսապատումը: Հենախորշերի ու զմբեթի ավերված տանիքը փոխարինվել է թիթեղյա ծածկով: Ներսից այն համեմատաբար լավ է պահպանվել և ոչ մի փոփոխության ու վերանորոգման չի ենթարկվել:

Ճարտարապետական այդ հորինվածքի հիմքը՝ կենտրոնական քառակուսին, չորս կողմից շրջապատված է զմբեթարդներով ավարտված կիսաշրջանաձև հենախորշերով: Անցումը կենտրոնական քառակուսուց դեպի ութանիստ թմբուկ՝ լուծված է միակտուր քարի մեջ փորված չորս փոքր տրոմպների, իսկ թմբուկից զմբեթ՝ երկրորդ շարքի ութ ավելի փոքր տրոմպների միջոցով: Առաջին շարքի տրոմպները հենվում են զմբեթակիր, թեթևակիորեն պայտած կամարների վրա, որոնք իրենց հերթին հանգչում են զմբեթատակ քառակուսու ($2,32 \times 2,32$ մ) պարզ անկյուններին:

¹ Հ. Շահխաթունյանց, Ստորագրություն կաթողիկէ էջմիածնի և հինգ դաւառացն Այրարատայ, հ. 2, էջմիածին, 1842, էջ 164:

² Ղ. Ալիշան, Այրարատ բնաշխարհ Հայաստանեայց տեղագրեաց, Վենետիկ, ս. Ղաղար, 1890, էջ 289:

³ Հ. էփրիկյան, Պատկերադարձ բնաշխարհիկ բառարան, հ. 1, Վենետիկ, ս. Ղաղար, 1903—1905, էջ 300:

⁴ Մ. Սրմբատյանց, Տեղագիր Գեղարթունի ծովադարձ դավադի, Վաղարշապատ, 1895, էջ 230:

⁵ Ակնարկ հայ ճարտարապետության, Երևան, 1964, էջ 142:



Նկ. 1 Հուշարձանի արևելյան ճակատի տեսքը մինչև վերականգնումը



Նկ. 2 Հուշարձանի տեսքը վերականգնումից հետո

Հենախորշերը՝ բացառությամբ արևմտյանի, ուր տեղավորված է միակ դուռը, ունեն միակտուր քարի մեջ փորված դեպի ներս լայնացող կլոր լուսամուտներ, որոնք իրենց վերին մասով ագուցված են գմբեթադրդի շարվածքին։ Նույն ձևի լուսամուտներ կան նաև թմբուկի արևելյան և արևմտյան նիստերի վրա, այն տարբերությամբ միայն, որ սրանք ունեն համեմատաբար փոքր չափեր և դեպի ներս չեն լայնանում։ Հուշարձանի դռան ուղղանկյուն լայն բացվածքը արտաքինից ունի հորիզոնական բարավոր, իսկ ներսից՝ կիսաշրջանաձև կամար։ Դուռը հատակից բարձր է 40 սմ։

Ներքին քառասյդ հորինվածքը արտաքինից պարփակված է ութանիստ ծավալով, որո բարձրանում է քիվով ավարտվող քառակուսի (5,60×5,60 մ) պատվանդանի վրա՝ կառուցված մեկ շարք բարձրությամբ մաքուր տաշված քարերից։ Պատվանդանի քիվը մեզ հասել է բավական վնասված՝ որոշ քարեր, մեծ մասամբ հարավային ճակատում, սրբաշատ չեն և չունեն պրոֆիլ։ Քիվի արևմտյան ճակատի դռան աջ կողմի երկու քարերը ունեն պրոֆիլի ալբ համաչափություններ։

Հուշարձանը կառուցված է կանոնավոր շարքերով տեղական վաղադարձ տուֆից տաշված քարից։ Պատի շարվածքի հորիզոնական կարանները ունեն 45° եզրակոսներ։ Բոլոր ճակատները զերծ են հարդարանքներից, եթե չհաշվենք թմբուկի շրջանաձև լուսամուտներին տրված սյուրգ պրոֆիլը։



1955 թ. վերակառուցման աշխատանքների ժամանակ, ինչպես նկատեցինք վերը, տեղադրվել և նորից շարվել են երեսապատման բոլոր ընկած քարերը։ Մեր ուսումնասիրությունից պարզվեց, որ հինգերորդ շարքը ավելորդ է շարված։ Պահպանված շարքերի բարձրությունը 74, 62, 61, 62 սմ է։ Այս չափերի դեպքում հինգերորդ շարքը չէր կարող քառասունհինգ սմ լինել։ Եթե ընդունենք անգամ շարքի այդպիսի բարձրությունը, որին պիտի գումարվի նաև քիվը (առնվազն 30 սմ), առանց որի հնարավոր չէ պատկերացնել այս հուշարձանը, ապա գմբեթադրդի ծածկը գրեթե հորիզոնական կստացվեր։

Ուրեմն, ինչպես արված է մեր վերակառուցման նախագծում, քիվը պետք է դրվեր հենց չորրորդ շարքի վրա։ Այդ դեպքում գմբեթադրդի ծածկը կունենա 22—23° թեքություն, որը շատ բնորոշ է մեր վաղ շրջանի հուշարձաններին։

Հուշարձանի քիվը չորրորդ շարքի վրա տեղագրելիս լուսամուտի քարը իր ելուստով ագուցվում է քիվի մեջ։ Սա տարակուսանք չառաջացնել չի կարող, քանի որ ինտերյերի լուսամուտի քարը ևս նույն ձևով ագուցված է գմբեթադրդի շարվածքում։

Հուշարձանի հիմնական ծավալի ու թմբուկի քիվի քարերից և ոչ մեկը մեզ չեն հասել։ Այդ պատճառով վերակառուցման մեր նախագծում, որպես քիվ օգտագործել ենք հուշարձանի պատվանդանի արևմտյան ճակատի աջակողմյան այն երկու քարերը, որոնք, ինչպես նշեցինք, ունեն այլ պրոֆիլ։

Մեր կարծիքով, դրանք հուշարձանի հիմնական ծավալի քիվի այն քարերն են, որոնցով առաջին վերակառուցման ժամանակ լրացվել են պատվանդանի քիվի ընկած քարերը։ Այս ենթադրությունը հաստատվում է այն փաստով, որ քիվի կիսազլանիկից ներքև գտնվող ուղիղ մասը իր չափով հավասար է լուսամուտի քարի ելուստին։ Սրանից հետևում է, որ հուշարձանը պետք է ունենա չորս շարք և քիվի տեղադրումը անպայման պետք է կատարվեր չորրորդ շարքի վրա։ Մինչդեռ շարվել է հինգ շարք, որ և ամբողջությամբ խախտել է



Հուշարձանի արևմտյան ճակատը (վերակառուցման նախագիծ), կտրվածքը, հատակագիծը

հուշարձանի համաշափությունները: Դրան նպաստել է նաև տեղադրված թիթեղյա ծածկը:

Կարևոր է նշել նաև, որ պատվանդանի քիվը իր պրոֆիլով հիշեցնում է Տեկորի արևմտյան դռան⁶ և Քասաղի բազիլիկայի արևելյան արսիդի⁷ ճակատոնների պրոֆիլները:

Հուշարձանի 1955 թ. վերանորոգման ժամանակ արված մասնակի պեղումներից հայտնաբերվել են կղմինդրի բեկորներ, որոնք նման են Աշտարակի Կարմրավոր եկեղեցու ծածկի կղմինդրներին: Սրա հիման վրա գմբեթարդի և գմբեթի ծածկերի համար վերակառուցման նախագծում օգտագործել ենք կղմինդր: Պեղումների ժամանակ հայտնաբերվել են նաև կլոր քարի բեկորներ, որոնց վրա քանդակված է շրջանի մեջ ներգծված հավասարաթև խաչ: Քարի տրամագծով հավասար է հուշարձանի լուսամուտների արտաքին տրամագծին: Կարելի է ենթադրել, որ այն տեղադրված է եղել արևմտյան ճակատի դռան վերևի մասում:

Հուշարձանի հիմնական ծավալը կառուցված է մեծ ճշտությամբ: Սակայն նույնը չի կարելի ասել գմբեթի մասին: Առաջին շարքի տրոմպների տարբեր չափերի (80, 73, 69, 87 սմ) հետևանքով թմբուկի մնացած շորս նիստերն անհավասար են ստացվել (135, 133, 114, 118 սմ): Անհավասար են նաև թմբուկի արտաքին նիստերը, որի պատճառով թմբուկը նկատելիորեն շեղված է. ալլ կերպ ասած, ութանիստ հուշարձանի և ութանիստ թմբուկի համապատասխան նիստերը միմյանց զուգահեռ չեն: Հուշարձանի հիմնական ծավալի կառուցման մեջ վարպետը ցուցաբերել է մեծ հմտություն, իսկ գմբեթի իրականացման գործում թույլ է տվել զգալի անճշտություններ, որոնք, թերևս, վկայում են գմբեթաշինության մեջ նրա անփորձության մասին: Հետաքրքիր է նշել, որ թմբուկի պատերը բավական հաստ են (70—80 սմ) և արտաքինից շարված է ոչ թե կանոնավոր շարքերով, ինչպես հուշարձանի հիմնական ծավալում, այլ քարերը հագցված են մեկը մյուսի մեջ: Տրոմպները հեղված են գմբեթարդի կամարներին, որի հետևանքով գմբեթի ծանրությունը անհավասար է փոխանցվում նրանց: VI—VII դդ. խաչաձև փոքր գմբեթավոր մեզ հասած բոլոր հուշարձաններում տրոմպները դրված են կամարները պարփակող քառակուսու վրա: Բացառություն է միայն Բջնիի ս. Սարգիս հուշարձանը, որի փոքր չափերը հնարավորություն են տվել անտեսել հակասեյսմիկ պահանջները և տրոմպները տեղադրել կամարների վրա:

Արդենիի հուշարձանի գմբեթատակ քառակուսին, ինչպես նշվեց, ունի պարզ անկյուններ՝ առանց լրացուցիչ ելուստների: Հետագա շինություններում այս ձևը զարգացավ և պարզ անկյուններին տրվեց լրացուցիչ պրոֆիլ՝ ուղղանկյուն կամ կլոր կիսասյուների նման:

Գմբեթատակ քառակուսու պարզ անկյունների և թմբուկի պատերի հաստության հետևանքով թմբուկը լայն է ստացվել, իսկ բարձրությունը՝ բավական ցածր, լայնության մեկ երրորդ մասից էլ պակաս: Թմբուկի բարձրության նման հարաբերությունը բնորոշ չէ վաղ միջնադարից մեզ հայտնի հուշորձաններին:

6 Թ. Թորամանյան, Նյութեր հայկական ճարտարապետության պատմության, հ. 2, Երևան, 1940, նկ. 23:

7 Ա. Սահինյան, Քասաղի բազիլիկայի ճարտարապետությունը, Երևան, 1955, նկ. 39:

Արդենի հուշարձանի կարևոր առանձնահատկություններից մեկն էլ պատի շարվածքի ձևն է: Պատի ամենանեղ հատվածում կրաբետոնի շերտը նրա հաստության մոտ մեկ վեցերորդ մասն է կազմում: Շարվածքի նման ձևը հատուկ է Հայաստանի IV—V դդ. հուշարձաններին, որովհետև արդեն VI—VII դդ. կրաբետոնի հաստությունը հասնում էր մինչև մեկ երրորդի⁸:

Արդենի հուշարձանի ծավալա-տարածական հորինվածքին միանգամայն համապատասխան է լուսամուտների կլոր ձևը: Բացվածքների փոքր չափերի հետևանքով լուսամուտներին ուղղանկյուն ձև տալ հնարավոր չէր, որովհետև այն կխախտեր այս գողտրիկ հուշարձանի ճակատների համաչափությունները: Այս առումով նույնպես Արդենի հուշարձանը եղակի է հայ ճարտարապետության VI—VII դդ. մեղ հասած փոքր խաչաձև գմբեթավոր հուշարձանների շարքում:

Արտաքինից ութանկյան ձևով կառուցված հուշարձանները վաղ ծագում ունեն: Նման լուծումների մենք հանդիպում ենք հռոմեական վաղ քրիստոնեություն շրջանի հուշարձաններում՝ Դիոկղետիանոսի դամբարանը (284—305 թթ.) Սոլաթատայում, ս. Սիրստայի դամբարանը (IV դ.) Միլանում: Թե՛ հռոմեական և թե՛ քրիստոնեական աշխարհի մյուս երկրներում ութանիստ հատակագծի այս ձևը կիրառվում էր միայն փոքր չափի հուշարձաններում: Այդ պայմանավորված էր մի շարք հանգամանքներով, որոնցից մեկն այն է, որ մեծ չափի հուշարձաններում գմբեթատակ քառակուսու անկյունների մոտ պատերը բավական հաստ էին ստացվում:

Ութանկյուն հատակագիծը վաղ շրջանի հայ ճարտարապետության մեջ այլևս չօգտագործվեց: Մեղ հասած փոքր գմբեթավոր քառաբսիդ հուշարձաններում հանդիպում ենք հատակագծային այլ լուծումների: Մովսիսը, օրինակ, հենախորշերը արտաքինից կրկնում են ներքին հորինվածքը, Աղարակում ըստանում են բազմանիստ, Մանկանոցում և Փարպիում ուղղանկյուն եղրանկար. իսկ Սառնաղորյուրում արտաքին պատերը ոչ թե ուղղահայաց են միմյանց, այլ կազմում են բութ անկյուններ:

Ութանիստ հատակագծի շինք հանդիպում նաև հետագա շրջանում: Բացառություն է XIII դ. կառուցված Մակարավանքի Աստվածածին եռաբսիդ եկեղեցին, որը հիմնականում կրկնելով Արդենի կառույցի ընդհանուր հորինվածքը կրում է դարաշրջանի ճարտարապետական մտքի կնիքը:

Ի տարբերություն VI—VII դդ. հուշարձանների, որոնցում նկատելի է տրեկլյան խորանը ընդդիմու ձգտումը (սովորաբար արվում էր ավելի մեծ), այս հուշարձանի արեկլյան խորանը հավասար է մյուսներին:

Վաղ միջնադարից մեղ հասած հայկական բոլոր հուշարձանները, որպես կանոն, բարձրանում են բազմաստիճան որմնախարսխների վրա: Արդենի հուշարձանը ունի քիվով ավարտվող քառակուսի պատվանդան, որը, սակայն, իսկական պատվանդանի դեր չի կատարում: Պատվանդանը ընդհանրապես ծառայում է իրեն հարթակ, որի վրա բարձրանում է հուշարձանը և ունի կոնստրուկտիվ նշանակություն: Մինչդեռ Արդենի հուշարձանի պատվանդանատիպ լուծումը ոչ մի կոնստրուկտիվ նշանակություն չունի, և ոչտաք է ենթադրել, որ դա հեթանոսական շրջանից եկող ավանդույթի արտահայտություն է: Եթե ըն-

⁸ О. Халпахчьян, Архитектура Армении, Всеобщая история архитектуры, т. 3. М.—М., 1966, стр. 201.

դուռներ, որ մեզ հետաքրքրող հուշարձանը ոչ թե եկեղեցի է, այլ վկայարան, ապա նրա ճարտարապետական հորինվածքի հիմքը, թերևս, փնտրենք քրիստոնեական վաղ շրջանի մեմորիալ կառուցվածքներում կամ նրանց արձագանքները հանդիսացող միջնադարյան նման կառույցներում:

Դրանում համոզվելու համար կարելի է հիշատակել Օձունի և Աղուդիի հուշարձանները: «Դժվար չէ տեսնել,— գրում է Ս. Մնացականյանը,— որ երկու հուշարձաններն էլ մշակված են՝ նկատի ունենալով երկու միմյանցից խիստ տարբեր մասերի առկայությունը— ներքին մասի վրա, որը կարծես թե կազմում է հուշարձանի առաջին հարկը, և որը փաստորեն կատարում է պատվանդանի դեր, բարձրանում է կառուցվածքի վերին, այսպես ասած, երկրորդ հարկը մարմնավորող մասը»⁹:

Նույն հորինվածքը կրկնում է նաև Արզնիի հուշարձանը, որտեղ, սակայն, պատվանդանի դեր կատարող մասը ունի անհամեմատ ավելի փոքր բարձրություն: Իսկ ինտերյերում՝ այսպես կոչված առաջին և երկրորդ հարկերը միաձուլվ են. այսինքն՝ հուշարձանի երկու մասերն էլ ներսից ունեն հատակագծի նույն ձևը: Քառակուսի պատվանդանի վրա ութանիստ ծավալը տեղադրելու դեպքում պատվանդանի անկյուններին առաջանում են եռանկյունաձև մակերեսներ: Բացառված չէ, որ դրանք արվել են քանդակազարդ հուշաքարեր տեղադրելու համար: Պատվանդանի նման լուծումը եզակի է մեզ հասած բոլոր հուշարձաններում: Իսկ եթե ավելի ուշ շրջանում հանդիպում ենք համանման լուծումների, ապա սրանք կամ կլոր են, կամ կրկնում են հուշարձանի արտաքին կոնֆիգուրացիան:

Այսպիսով, իր հատակագծային ներքին լուծմամբ, Արզնիի հուշարձանը պատկանում է հայկական վաղ միջնադարի քառաբսիդ հուշարձանների խմբին: Մեծադիր, մաքուր տաշված քարերի կանոնավոր շարքերը, եզրակոսները, կամարների թեթևակի պայտաձևությունը, տրոմպային անցումների սիստեմը, առանձին մանրամասների նմանությունները վաղ շրջանի հուշարձանների հետ, հիմք են տալիս եզրակացնելու, որ այն կառուցվել է VI դ. առաջին կեսում: Սա հաստատվում է նաև VI—VII դդ. փոքր զմբեթավոր կառույցների և Արզնիի կառույցի համեմատական վերլուծությամբ: VI—VII դդ. ճարտարապետական կառույցների բնորոշ գծերն ունենալով հանդերձ, Արզնիի հուշարձանը արժեքավոր է նաև այն եզակի առանձնահատկություններով (հատակագծի ութանկյուն եզրանկար, ուղղանկյուն պատվանդան, կլոր լուսամուտներ, ցածրադիր թմբուկ), որոնք չեն հանդիպում այդ դարերին պատկանող մեզ հասած հուշարձաններում:

ЧЕТЫРЕХКОНХОВЫЙ ПАМЯТНИК АРЗНИ

В. Г. ГРИГОРЯН

Р е з ю м е

Памятник Арзни принадлежит к группе четырехконховых сооружений раннего средневековья. С помощью сравнительного анализа памятников IV—VII вв. и сооружений Арзни удалось доказать, что памятник построен в первой половине VI в.

⁹ Ս. Մնացականյան, Հայկական ճարտարապետության Սյունիքի դպրոցը, Երևան, 1960, էջ 180.